

明  
詩  
紀  
事

明詩紀事

貴陽陳田輯

戊籤

孔天肩

天肩字汝錫汾州人嘉靖壬辰第二人及第授陝西提學僉事歷浙江布政使有文谷集四十四卷

國雅孔方伯詩方之玉琢鼎彝材良器重款識工緻特乏弘綽耳

靜志居詩話管涔山人如新訓鸚鵡雖復多言舌音終是木強

田按文谷刻意摹古五律亦自清拔

夏夜永嘉館

下馬送春色端居延夏陰流光坐自歎日暮不成吟客路連

戊籤卷十八

滄海歸心滿舊林  
宵憂何所似波湧大江深

石梁

神嶺劃如闕互空橫  
一梁虹衢玉京路  
煙道羽人鄉  
迸水藏金澗懸蘿暗紫房  
尙遲飛錫渡臨眺  
佇斜陽

秋思

白露沾野草商風吹前林  
容華忽以改寒涼時見侵  
四運有承謝平生多苦辛  
豈不念時命積懃終難任

歲暮深澤縣作

朔吹動寒館明暉生薄幃  
天空城柝散夜久客燈微  
處世能誰是孤心乃獨非  
長思澤畔侶捐珮宜言歸

尹耕

六首

耕字子莘蔚州衛人嘉靖壬辰進士以知州罷斥徵  
授兵部員外歷郎中出爲河間知府擢河南按察僉  
事坐劾戍遼左有朔野集

列朝詩集子莘爲人豪宕不羈性嗜酒喜談兵嘗爲  
州守廢免家居生長邊陲通知疆事痛恨武備廢弛  
邊臣玩愒作塞語十一篇申明邊防虜勢之要害以  
告當世作爲歌詩沈雄歷落秋興上谷諸篇有河朔  
俠烈之風分宜當國見而才之自知州起廢數月中  
遷兵部員外郎中出知河間府河間畿輔重地虜數  
入犯募壯士製戎器旌旗壁壘爲之一新吏部希分  
宜指稱其知兵破格改用擢河南按察司兵備僉事  
仍予四品服俸令管領民兵朝論譁然給事中張萬  
紀抗疏劾奏上大怒械繫下獄雜治遣戍遼左自是  
遂終身屏棄不復用矣國家急虜附鞬將帥之臣  
當取文武大畧不應以便文瑣節繩約摺撫分宜得  
君當國能知子莘而不能違物議以收其用議論多  
而節目繁何以羅出羣之材備羯夷之患耶

鵓鵒嶺鵓鵒飛書生畫地談兵機一身恥潰千重圍千重圍  
戰不止力漸竭兮鼓聲死胡兒馬上義大刀南向挪揄齊噉  
指

戰城南

戰城南鼓聲沸胡陣如蛇前最銳三衝五合令轉嚴仰面看  
天斜日墜胡去不苦追胡來不發矢大開陣角卧中軍凱歌  
如雷四壁起

西城道中短歌

柳條當風戰猶力桃李無言混荆棘桑乾東帶斷冰流昨日  
荒城作寒食君不見戰士經年挂鐵衣一身重犯數重圍紇  
干山下營初散牟那峯前檄更飛年年烽火爲生計誰道沙

場春事稀

項羽墓

四方爭逐鹿三戶可亡秦何事新安卒同成馬足塵捐金行  
反間擗斗失謀臣今日留坏土應慙負劍人

蔚州歌

南山陡絕石門峪西嶺斜通亂石灘敢勇近聞堪一戰莫教  
容易近長安

井陘荒城日易曛阜平山下剩黃雲羯奴飲馬桑乾水愁殺  
關南義勇軍

許應元 十一首

應元字子春錢塘人嘉靖壬辰進士除泰安知州改

泰州徵授刑部員外歷郎中出爲夔州知府遷四川

按察副使改廣西進布政使有隋堂摘稿十六卷

田按嘉靖初薛君采陳約之輩倡初唐之體一時七古頗少動健之篇隋堂楊參軍歌聲調頗壯惜集中此例不可多得耳五律亦流動自然詩綜僅錄二篇不足盡所長也

讀殷近夫集

殷侯本岸瑋氣與煙霞親一朝被組綬落隨風塵爲吏山水間給事金馬門榮遺志乃得道屈命茲屯壤詞發靈性逸響振青雲變彼楚執珪咄咄將誰言

題畫

煙澤彌煙雨皋陸湛渟渟春風被修碗蘭草擢丹榮曹署雖局束書史有餘清披圖攬英秀浩蕩江湖情但恐蒙菴滿涕

下還縱橫

楊參軍歌

楊參軍年向七十氣薄雲月請太倉南斛粟常持一篇冰雪  
文前年虜入右北平上馬便繫縵胡纓歷詆燕壘一百二恨  
無尺箠咎懦兵今年僦居水月寺閉門著書非所志滿壁滄  
洲虎頭筆三足故鼎蝌蚪字昭王臺前日欲斜相逢市南酒  
人家小僮鼓箏不入耳春風滿庭吹落花爾來幾時不相見  
玉河水膠道飛霰履如東郭有人嗤賦似長卿無客薦烈士  
懷奇祇自奇肯游鄴下屠沽兒但令風月且入手安問公侯  
能俛眉君不見荆山峩峩淮水急風雲瀕洞不可測虎變龍  
飛二百年猶貯英靈產詞客木門倉琅詎許攀聊復對酒丹



蒼顏豫章神物身在地光芒夜夜斗牛間

獨愁

玄雲荒野盡白雪古城浮溟海開三嶠風煙攬十洲誅求餘  
壁立祿食自身謀禹貢茫茫蹟憑高送獨愁

同蔡行人子木登高里山

沓騎青林盡登臺翠甸新雲山存吏隱詞藻待王人花日移  
亭午蘭風泛早春遲歸非戀賞與爾對清真

題姚大參虛谷卷

傳君棲谷口一室坐生雲地迴栽花好天空落葉聞閉門漆  
園吏開卷冰雪文應自聲聞遠還隨鳴鶴聲

鶴歸亭

丹壑訪茅店遺蹤闕白雲竹陰流冉冉溪水去沄沄無復鶴  
歸日空傳鴻寶文獨令耽寂意深覺未離羣

送翁夢山憲使觀察河南

言辭蜀道險憑軾向中州其惜春前別還登江上樓曉雲千  
騎擁芳樹一樽留去後知相憶封題報灤頭

送楊主簿之益陽

昔忝名山守同攀嶽頂雲謁來二十載京國再逢君黃綬仍  
趨府青袍動出羣湘蘭與沅芷相憶採芳芬

寄徐承芳

伍公祠下吳峯曲竹裏新開孺子亭花徑祇通雙短屐茆齋  
唯對一遺經此時見月殊方色夢裏羣山故國青蘆葉雁聲

推枕坐江南江北水冥冥

送黎松坡閫帥赴尙書幕府兼柬徐見山隱居

詔書新下獎元勳幕府仍看請護軍組練朝疑吳地雪油幢  
晝引粵溪雲經冬碧樹工留客選舍青山助憶君寄語南州  
徐孺子待予歸伴老松筠

蔡汝楠

十首

汝楠字子木德清人嘉靖壬辰進士除行人遷刑部  
員外改南刑部出爲歸德知府改衡州歷四川副使  
江西參政山東按察使江西布政使以右副都御史  
巡撫河南召拜兵部侍郎改南工部有自知堂集二  
十四卷

四庫總目

明史利汝楠初喜文章從王慎中唐順之高

叔嗣顧璘皇甫湜兄弟遊中年後好講學與劉守益

羅洪先相善詩格遂類唐頗有壽陵餘子失其故步

之譏然汝楠才地本不足雁行王唐諸人亦不盡係

於講學之後荒廢吟詠也

茅坤白華樓續稿子木初釋褐競爲聲詩然錢刻藻

麗過南省則沈去鉛華合響耶劉諸大家矣

斐然厄言蔡子木詩如嬌女織流黃不知絲理強自

國雅蔡司空子木聲調淵雅情興高朗其集爲用修

所選者爲藝林珍賞晚歲率易應酬似出二手五言

云三江看雁盡五嶺入雲多泉落雲中確溪同樹杪

船疏鐘搖落葉細雨帶秋蟲七言云無復山門訪支

遁獨留徑草待王孫此例酷似劉長卿

盛明百家詩白石訪予獨行園論詩竟日深得玄指

然意每不自滿寄予虛明樓詩云登高渾漫賦何意

萬人傳白石詩其可量乎

列朝詩集嘉靖初唐應得陳約之反北郡之弊變爲

初唐之體後乃稍變爲中唐子木之風調得之皇甫

兄弟漸摩者居多

田按子木與皇甫兄弟襟契不淺子循寄蔡衡州詩

云日日江頭聞送客空於詩卷恨銀郎自注云唐人

戊鍾卷十八

六

贈送卷內以不得錢起郎士元詩爲憾子昔與子木在南省時頗類此子木哭子安詩云五字沈吟詩品絕一官憔悴世途難時人以爲定論子木五律頗類皇甫第才不及耳

鷄鳴寺

龍山開古寺長傍紫微天地近多來客心空不礙禪  
虛窗遠岫出上界一燈燃落日回廊轉松關深暮煙

送王生還楚

來預看花候歸逢度雁時春風留客久寒雨獨行遲  
煙樹吳關外鄉園漢水湄平生楚遊意因子憶江蓠

寄題王生艾齋

知爾歸棲處青山帶急流看雲江上宅聽雨竹間樓  
憑几開遺帙鳴絃寫獨愁美人思報遠猶及楚蘭秋

題峴山濟公房

禪榻澄湖上山光似鏡中疏鐘搖落葉細雨帶秋蟲峯竹虛  
窗映爐香別院通何期碧雲合一酌對休公

自瑞洪沂江入信州

暫得辭文牒虛窗畫舫開江趨鄱口落山向信州來接樹迷  
帆入殘鷺喚夢同無人共登眺翹首越王臺

秋夜寄懷皇甫少玄

湖上楓林露氣清懷人遙夜月同明春征忽漫逢秋序越信  
何因到楚城山帶石頭亭嶂出湖回京口海天平從來謝眺  
吟詩地無限江淹恨別情

哭皇甫子安

與君闕下共彈冠翰墨筵中更結歡  
五字沈吟詩品絕一官  
憔悴世途難清琴欲鼓  
含愁斷短札猶存掩淚看  
詞客招魂  
終渺邈獨慙作詠似潘安

芙蓉閣

江東有靈窟梁代無僊才  
空留芙蓉閣遊客稱蓬萊

春江詞

溪流清且淺雲山斷還續  
爲唱濯纓歌聊和江妃曲

度熊飛嶺

衡南那復見來鴻嶺路高  
盤赤石叢百里連岡山縣  
小人家  
都在夕嵐中

王梅

四首

梅宇時魁平湖人嘉靖壬辰進士選庶吉士改刑部

主事謫判滁州有柘湖集

王文祿文脈王柘湖詩企盛唐大復之續也  
野獲篇平湖王梅嘉靖壬辰選庶常初進館赴閣試  
長安新秋感興詩云鵲樓高灝氣橫堯釐商律又  
敷榮六龍扶日明華袞五鳳鸞雲薄太清西北烽煙  
新人警東南民力未忘情青袍際遇渾無補退食遲  
遲愧友生當時以爲第一後授官止得主事  
備李詩繫柘湖詩歌清深老健迥然塵壒之外  
靜志居詩話柘湖風神韶亮得無累之神絕句小詩  
尤見情拔

寄石汀王先生二首 有引

石汀先生按浙梅時爲諸生雅承休盼斗筭黃鐘計  
偕一見睽離至今風搖心旌川回目練晤言未期沈  
憂空積觸事宣懷言無倫次聊軫疇昔俟諸將來耳



苦憶王夫子清時賦考槃三年不相見一札阻長安蘭雪留  
彤管雲山照鐵冠因風泛瑤瑟情竭賞音難

十年萊子服數口汶陽田荷篠深山裏銜杯曲水前春蘿搖  
石月夕鳥下汀煙晨是論文友時時詣鄭玄

在滁州與韓侍御魯滌卜築豐山東麓

知爾亨途久息機不妨高卧共巖扉山雲半落烏皮几池月  
涼分白苧衣抱病秋來行藥倦故人天上尺書稀疏懶自缺  
經時畧浪說東南有少微

涼州曲

記得行時約言從上黨遊昨傳書信至三歲在涼州

程珌三首

珣字子彬德州人嘉靖壬辰進士授覃懷推官累官  
尚寶寺卿以忤嚴世蕃左遷起參政遷江西布政使

### 有右丞集

張九一緣波樓集右丞近體本之才情傳以色澤風  
韻洋洋復見正始之音  
田同之安德明詩選遺子彬詩協唐音尤工五律

### 入日辰州道中

旅客逢人日江關信馬蹏春光微冉冉草色已萋萋驛道通  
三楚風煙接五溪誰能將柏酒一爲解羈棲

### 晚赴宿州

亂山驅獨馬返照入寒林重以碧雲合淒其游子心疏籬隔  
吠犬灌木集鳴禽獨有孤飛雁哀鳴意不任

棧道

地險襟喉會川流南北分千峯兼萬壑匹馬逐孤雲黑水蛟  
龍窟青林虎豹羣不堪巉絕處天日又西曛

趙伊

五首

伊字子衡平湖人嘉靖壬辰進士授刑部主事改南  
兵部歷員外郎中出爲廣西按察副使有序芳園稿

二卷

田按子衡初與皇甫子安兄弟蔡子木王維楨談詩  
及官南郡與湛甘泉鄒東郭雖念菴講學詩特輕脫  
時近宋派

贈西橋楊君

河橋連草屋深郭此幽棲釣艇近門繫囊琴過客攜夕陽分

遠樹春水會前溪老況存詩景看雲日杖藜

泛湖

出門理棹卽湖中竟日淹留興未窮鏡水已應歸賀老習池  
能免醉山公雨餘江柳迎人綠秋近園葵對酒紅朋舊追隨  
真率在揮金遠慕二疏風

次友人秋夜獨坐

莫向浮名問是非乾坤落落更誰私爭妍樹木底心性逐化  
魚龍自歲時草閣琴書秋正爽江城鐘鼓坐來遲懸知對月  
忘懷處風竹蕭蕭入夢思

夏日偶坐

草色侵階映綠滋濛濛細雨暮光遲北牕高枕此何意新竹

過牆還幾枝杯酒於人休作惡交遊何處好相宜湖山見說  
添形勝消得閑來兩鬢絲

和鶴椿移居韻

卜居負郭草堂靜曲浦石橋何處村幾箇沙鷗來近渚一鉤  
林月挂黃昏入城小艇省徒步寄友新詩代面論七十老翁  
怡老地大椿巢鶴子還孫

錢微三首

薇字懋垣海鹽人嘉靖壬辰進士除行人擢禮科給  
事中轉右給事中隆慶初贈太常少卿有承啟堂彙  
二十九卷

新茶

欲向陽羨游春雨阻行櫟山僧攜滿籠門前挂青笠

贈高卿

澱山湖邊客舫來尋曲徑煙蘿風雨連朝離思一尊子夜吳歌

庚戌虜警

薊門寒色敞高秋易水蕭蕭咽不流聞道北門虛鎖鑰左賢關騎下涼州

吳嶽二首

嶽字汝喬汶上人嘉靖壬辰進士授戶部主事歷郎中出爲廬州知府改保定歷山西副使浙江參政湖廣按察使山西布政使以右僉都御史巡撫保定改

貴州進左副都御史協理院事歷吏部侍郎遷南禮  
部尙書就改吏部贈太子太保諡介肅有望湖遺稿  
海嶽靈秀集篆宰詩雋逸清麗入盛唐蹊徑

別二司諸公

寥廓江天遠淹留畫舫移離觴催暮景歸棹劇鄉思泛梗年  
來倦投簪老去遲憑君一盡興回首各差池

舟中感懷

百丈牽風上瀨遲杪秋霜露劇鄉思蕭條已負黃花節搖落  
空看楊柳枝細雨孤舟還隱几暮雲寒笛漫傾卮羈懷正苦  
未消歇隔岸誰歌白紵辭

朱衡一首

衡字士南萬安人嘉靖壬辰進士除尤溪知縣改婺  
源徵授刑部主事歷郎中出爲福建提學副使累官  
山東布政使以右副都御史巡撫山東召拜工部侍  
郎進南刑部尙書改工部總理河漕加太子太保有

鍾山集

宿眷野齋偶題

玄泉臨巨壑危石削層臺野鳥機都息寒松手自栽時因尋  
藥往日爲看雲來向夕春風至雙扉忽自開

范欽二首

欽字堯卿一字安卿鄞人嘉靖壬辰進士除隨州知  
州徵授工部員外出爲袁州知府遷江西按察副使



累官右副都御史巡撫南贛遷兵部侍郎有天一閣

集

涌上舊集侍郎解組歸時郡中東沙張公竹墟屠  
公亦以事廢里居投閒嘯咏人稱為東海三司馬侍  
郎居在兩湖深處舍徑窅曲林木翳然性喜藏書起  
天一閣盡購海內異本列為四部與吳門王鳳洲家  
藏以書目取較各鈔所未見相易故浙東藏書家以  
范氏天一閣為第一  
靜志居詩話堯卿格律自矜第取材太近時倡和者  
沈嘉則呂中南諸人未免聲調似之

汎東湖

澄波四望空畫舸泝冷風野寺輕鷗外人家細雨中菰蒲臨  
水菰洞壑與天通卽擬尋真去花源杳未窮

懷呂中父上黨

長年依帝子何似漢枚乘結客惟三晉遊人伴五陵月中催

授簡雪裏罷呼鷹會念林遊者風前思不勝

林應亮 一首

應亮字熙載侯官人知府春澤子嘉靖壬辰進士授  
禮部主事歷郎中出爲常德知府遷江西副使歷參  
政按察使布政使以右副都御史總理河道進戶部  
侍郎總督倉場有少峯集二卷

彭城懷古

碣石開重險江城枕上游雄圖山北聳王業水東流碧草留  
侯廟荒林亞父邱晚來橫笛起猶帶楚歌愁

蘇志皋 四首

志皋字德明固安人嘉靖壬辰進士除瀏陽知縣改

進賢徵授刑部主事歷員外郎中出爲廬鳳僉事歷  
山西參議陝西副使謫河州知州遷陝西僉事歷山  
西副使陝西參政山西按察使進布政使以僉都御  
史巡撫遼東進右副都御史有寒邨集四卷

列朝詩集右都才情富麗沾沾自喜好作長短句  
田按寒邨詩風調自佳北平詩人品在頓爾訂之次

孤雁

寒空一雁度孤影落橫塘莫妬隄邊鳥得驚本自雙

扁舟圖

蘆花點綴楚山青江平舟穩夢初醒浮雲捲盡暮天碧歸雁  
數聲秋冥冥

採蓮曲

彭蠡湖中南顧船女郎作伴採秋蓮含羞唯恐傍人見撐入  
蘆花洲子邊

初夏寄題隆興寺禪房

葡萄引蔓棗開花臺殿參差日影斜一客不來雙燕落老僧  
閒自曬袈裟

周復俊 一首

復俊字子籲太倉州人嘉靖壬辰進士授工部主事  
歷員外郎中出爲四川提學副使改雲南歷四川雲  
南布政使進南太僕卿有涇林集八卷

靜志居詩話子籲甄綜鄉黨之詩爲玉峯詩纂而以  
已詩請楊用修評點亦稱好事第諸體多膚淺不足  
觀

寒江

千林暝若空遙峯隱還見嵐雲凍不飛江水明素練

浦應麒

一首

應麒字道微無錫人嘉靖壬辰進士選庶吉士授編修進春坊左贊善有后巖詩藁

碧山社次答俞廉訪

雨餘新綠布繁陰旋覺山堂花木深酒送行廚來畫舫茗搗僧供出珠林翠憐湘筍千竿玉黃惜枇杷一樹金日午鶯聲嬌百轉可能無意勸同斟

顧存仁

一首

存仁字伯剛太倉州人嘉靖壬辰進士除餘姚知縣

徵授禮科給事中言事廷杖編管保安隆慶初起  
南通政司參議遷太僕寺卿有東白草堂集四卷

西路出紫荆關

萬山急水度浮圖

名胡騎會

茲犯帝都每飯豈宜忘鉅鹿防

秋先合塞飛狐雄關虎踞神州迴羣隘星羅孔道孤落日獨  
懸戎馬淚杞憂誰爲達天衢

包節一首

節字元達松江華亭籍嘉興人嘉靖壬辰進士授東  
昌推官徵授御史以劾中官廖斌下獄遣戍莊浪衛  
有侍御集六卷

歲暮詠懷

陳別歲云暮逝節何駸駸幾歷玄冥雪渺邈天山陰荷戈未  
息肩年髧日以侵登城望故鄉睽隔如商參援琴欲鼓之恐  
使淚沾襟

白悅一首

悅字貞夫武進人嘉靖壬辰進士除戶部主事收禮  
部歷員外郎中遷左春坊司直謫永平通判歷南後  
軍都督府經歷吏部郎中再謫河間通判遷戶部主  
事改尙寶司丞出爲江西按察僉事有雒原遺集入

卷

四庫總目悅爲尙書昂之孫家世鼎貴而獨刻意學詩  
句調華瞻神理朗清視當時發軔者蓋勝特格律未  
能變化往往雷同  
司動集雒原集調暢朗而思沈語婉麗而致遠音和

平而易感旨雋永而難數  
國雅司直詩如明月等篇出建安風骨兼貞觀思致  
故宗子相謂總之詩不離唐五言者最乎  
田按雒原詩特俊爽惜不得其全集錄之

### 卧病官齋懷王江南

春色瀟瀟滋春愁夢思故園沙棠舟三星在戶美人遠浩月  
澄河空夜流燈花照酒獨看劍短笛吟風誰倚樓同時相聚  
不相樂相思莫漫相悲秋

### 謝少南一首

少南字應午上元人野全先生承舉子嘉靖壬辰進  
士除南刑部主事遷春坊司直歷廣西提學僉事陝  
西提學副使河南參政終布政使有河垣稿謫台稿

### 粵台稿



少室赴蒼梧賦贈時有交南之役少室著議及之

最愛平黎策無論蜀文相如元重漢馬季故能軍江外傳  
烽火關南結陣雲誰知樽俎地制勝萬夫羣

廖希顏

六首

希顏字叔愚茶陵州人嘉靖壬辰進士除高安知縣  
遷工部主事歷郎中出爲山西提學副使遷浙江按  
察使有思復堂稿四卷

沅湘耆舊集叔愚詩才俊爽評者謂其繼西涯龍湖  
而起殆不誣也  
田按叔愚七律氣格軒舉

訪王吏部北郭園

瀟灑王吏部好爲人所難忤俗豈忘世上書甘罷官灌園北

郭裏結社龍門灘一榻青山外逢人白眼看

別郭漸齋

西省官聯同憲節故鄉笑語共遐方正愁戎馬徵書急況復  
風煙別路長絕塞浮雲過檠戟高城華月影桃柳粵南冀北  
能相憶爲寄天邊雁數行

題南山卷應路邸教

三年爲客向并州兩見南山屬暮秋采玉多愁應有賦梁王  
高興幾登樓爐煙孔雀新屏上花氣芙蓉別殿頭今日賡歌  
樽酒裏瑤池豈少報應劉

次韻答澄江憲伯

坐逢伯仲樽常滿愁入邊關思轉深白草連天還雪色黃雲

絕塞已秋陰長裾曳履成何事尺組九泥違寸心十載自憐  
通籍早人前徒解郢中吟

立夏

灌木陰陰黃鳥囀高齋兀坐思淒淒庭前生筍半成竹道上  
飛花盡作泥人生幾何春又夏世路那堪東復西清吟淺酌  
且自慰芳草天涯甯久迷

遊雁宕

中峯石戴七星芒挂石青藤九尺長四十八盤天上路東邊  
回首是扶桑

李徵一首

徵字誠之常德桃源人嘉靖壬辰進士累遷禮科給

事中出爲江西按察副使遷浙江參政有元光漫稿  
五卷

秋夜雨花堂對月

秋月禪心相對清露華飛墮葛衣輕爐熏茗椀煙初歇坐聽  
遙空雙鶴鳴

王廷幹一首

廷幹字維楨涇人嘉靖壬辰進士除行人遷南刑部  
主事改戶部歷員外郎中出爲九江知府有巖潭集  
田按皇甫子循上大司徒書云廷幹與越郡蔡汝楠  
並以弱齡漸翼鴻遠雙曜麗采馳聲藝苑雖終賈復  
作嚴路再生茂以加焉亦友朋假藉之詞耳今核所  
作殊不盡然

駕出長安

聖后乘時豫鸞車出漢宮雕戈明曉日寶幟拂晴虹輦轂謳歌起山川畿甸雄侍臣徒仰德拜手奏南風

沈越一首

越字中甫南京錦衣衛人嘉靖壬辰進士除羅田知縣改平江徵授山東道御史謫開州通判厯衛輝推官德安同知有麓村詩草新亭漫稿

金陵瑣事沈韓峯越工小令鐵面御史能爲風流輕媚語賦梅花者豈獨宋廣平乎

懷方孔朋

梅花吹雨日連牽綠漲陂塘已拍天爲念故人生計薄一篙春水種湖田

秦鳴夏一首

鳴夏字子亭臨海人嘉靖壬辰進士選庶吉士授編  
修進中允以事罷歸起兵部主事

送胡龍山別駕

君行不可留綠柳暗江頭春色隨征旆浮雲生暮愁孤衷懷  
楚璧壯志拂吳鉤湖海他年夢能忘天姥遊

姚虞一首

虞字宗舜莆田人嘉靖壬辰進士官御史有焚餘詩  
集

洗少汾讀書臺

卜築煙霞外幽棲豈避名小窗時讀易竹院每逢僧倚闌峯  
相對當秋月自明閒雲來洞口盡日鎖柴扃

高應冕

五首

應冕字文中仁和人嘉靖甲午舉人授綏甯知縣遷  
光州知州有白雲山房集

國雅高光州文中才致清贍聲調捷平平寫出亦  
自沈淪如黃鳥歌聲悲秦亡自此始濤捲海門山雪  
橫天際烏經聲出院少草色上階多是中唐語  
田按文中五字詩清穩有韋王遺意歸田後與閩縣  
祝汝亨時泰新安王仲房寅錢唐方禹績九敘童仲  
良漢臣仁和劉安元子伯沈懋學仕結社於西湖日  
紫陽湖心王岑飛來月巖南屏紫雲洞霄凡八社今  
所傳西湖八社詩帖是也

靈峯寺訪少岳張山人不遇憩聽泉石

山秋鬱蒼蒼禪林轉幽寂因躡靈峯雪偶憩聽泉石泉流何  
清冷石古苔蘚碧洗心悅真境松風引孤策何處覓知音還  
候山中客

憶中峯舊遊寄問賓竹上人

幾年別中峯羣山宛在目松濤帶江聲石門轉谿曲不知舊  
遊徑新長幾竿竹可有殢霞人還過白雲宿

舟宿江口

煙水洞庭秋蒼茫日沈夕潮落江聲迴鳥下雲林急月高海  
未歸山昏寺鐘寂獨憐沙上鷗忘機同野客

湘潭發舟宿武陵望桃源

解纜浮湘浦春帆帶晚霞還隨洞庭水又宿武陵花歸夢楚  
雲斷聽歌山月斜桃源空極目何處是僊家

同茅鹿門賓山上人雲房晚步

披襟鹿門客攜手虎谿僧同步山中月長吟石上藤流雲時



護竹宿鳥夜窺燈萬嶺此俱寂聞鐘去未能

陳芹二首

芹字子野系出交南國王永樂中避黎氏之亂來奔  
家南京嘉靖甲午舉人授崇仁教諭遷奉新知縣改  
甯鄉有子野集鳳泉堂集

玉笥詩談子野爲令九十日解印歸卜居鳳泉之  
左又構別業新林浦時垂綸其上浦有橫厓因白題  
曰橫厓小隱又卽邀笛步爲閣其上浦有橫厓因白題  
騷人倡咏爲樂嘗取古高士自巢許而下迄於宋元  
得七十餘人爲之詩以自見其志號思古吟  
鳥衣佳話子野墨竹花草絕無俗氣文徵仲稱其竹  
校清氣逼人戒門下士到金陵不可畫竹金陵有人  
蓋指子野  
金陵瑣事橫厓陳子野書法鍾王俊逸可變  
列朝詩集海宇承平陪京佳麗仕宦者誇爲仙都游  
談者指爲樂土弘正之間顧華玉王欽佩以文章立  
蹕徐子仁陳大瑩以詞曲擅場江山妍淑士女清華

才俊歛集風流宏長嘉靖中年朱子价何元明爲寓  
公金在衡盛仲交爲地主皇甫子循黃偕父之流爲  
旅人相與授簡分題徵歌選勝秦淮一曲煙水競其  
風華桃李諸姬梅柳滋其妍翠此金陵之初盛也萬  
厯初年陳甯鄉子野解組石城卜居笛步置驛邀賓  
復修青溪之祖於是衡仲交以舊老而荏盟幼于  
百穀以勝流而至厥後軒居紛還唱和頻煩雖詞  
章未爛大雅而盤游無已太康此金陵再盛也子野  
少嘗夢入山中石梁跨道瀑布洒空洞中二老僧跌  
坐周繞木闌以防虎後游天台山洞宛如夢中木闌  
猶在問之土人云老僧化去久矣自是恍然省悟專  
精內典作和寒山子詩  
靜志居詩話虞山錢氏序金陵社集攷之未得其詳  
青溪社集倡自隆慶辛未而非萬厯初年也朱秉器  
停雲小志云青溪自後湖分流與秦淮合當桃葉淮  
清之間有逸仙步者晉王徽之邀桓伊吹笛處也陳  
明府芹卽其地爲闢焉俯瞰溪流頗有幽致嚴辛未  
費參軍懋謙約余爲詩會其上於是地主則明府次  
則唐太學資賢姚與客胡民部世祥華廣文復初  
鍾參軍倬黃參軍喬棟周山人人才甫盛貢士時泰任  
參軍夢榛先後游而未入會者則張太學獻翼金山  
人鸞黃山人孔昭梅文學鼎祚莫山人公達王山人

寅黃進士雲龍夏山人曰瑚紀亳州振東陳將軍經翰  
汪山人顯節汪文學道貫道會沈太史翔學程文學  
應魁周文學時復癸酉復為續會則吳文學子玉魏  
廣文學禮莫貢士是龍邵太學應魁張文學文柱每  
月為集週景命題即席分韻同心投分樂志忘形間  
事校評期臻雅道會錄詩若干刻之命曰青溪社稿  
許石城先生敘其首續會錄詩若干吳瑞穀敘之會  
余領渝郡特任參軍入與都稿遂散逸後方民部沉  
葉山人之芳入焉余曉書社中期稍收輯無何胡民  
部費參軍以註誤謫黃參軍以領郡行已方民部亦  
因事出盛會不常良朋星散回首江東雲樹在望秦  
淮煙月圖爾銷魂因紀舊遊畧次其姓氏篇什如左  
按此青溪社集之本未始備錢氏未見秉器小志故  
也

喜諸君子入青溪社

遊館亭前舍釣竿丹楓林外候金鞍吟邊綠酒秋初煖花底  
幽盟久未寒才子一時追鄴下故人幾載隔雲端諸君莫更  
輕離別萍迹應憐此會難

和寒山子詩

野日沈蒼煙樵徑斷人語眾山木葉下颯颯飛寒雨

王鑑二首

鑑字公範閩人嘉靖甲午舉人官思明同知有冶山  
拙稿

到揚州

峭帆昨夜發高郵迢遞湖光萬頃秋殘月夢同清角曉榜人  
來報是揚州

宿荆南普明寺

歇馬叩禪關浮生得暫閒龍堂寒月上虎渡宿僧還梵磬發  
清籟曇花照古顏應憐此信宿無夢向塵寰

薛欽三首

欽字寅甫懷安人嘉靖甲午舉人官太平教諭有薛

博士集

林廩嘉靖福州府志教諭薛欽舉人謝啟元徐拱葉  
麟俱有詩名  
靜志居詩話薛君詩頗清越近於皆山樵者曹能始  
序徐惟和詩云閩自林膳部後百餘年而得鄭考功  
又數十年而得薛博士其推重若是

隴頭水

不向樓蘭戍那經隴水頭聲將金閣恨流作玉關愁月暗聞  
笳夕風淒選騎秋猶聞嗚咽處更在海西樓

送林天宇之桂陽

自昔衡陽外傳聞少雁過別君從此去無那故人何叢竹行

難盡情。鴛鴦漸多相思。杜蘭夕秋色滿湘波。

黎陽道中有懷

河上秋風至。蕭蕭不可聞。蟬聲下高樹。雁影出重雲。古道蒼煙斷。平田綠水分。自能悲宋玉。況是惜離羣。

謝啟元

一首

啟元字本貞閩人嘉靖甲午舉人

經臨城廢縣

縣荒名不改。城壞土猶存。寂寂南塘路。悽悽北郭門。桑麻空滿市。槐柳半成村。尙有龐眉叟。能談廢置原。

明詩紀事

貴陽陳田輯

戊籤

尹臺十二首

臺字崇基永新人嘉靖乙未進士選庶吉士授編修  
歷中允修撰諭德侍講遷南祭酒改北進少詹兼學

士遷南吏部侍郎就遷禮部尙書有洞麓堂集十卷

四庫總目臺以護持楊繼盛一事爲清議所歸集首鄒  
元標序稱其詩力追唐雅制疏書序記銘狀表出入  
漢宋間繹名理不眉綺語今核其所作尙不誣云  
田按尙書不附和武定分宜其官南都詮部保全譚  
襄敏直西苑撰青詞時有諷諫大節可謂不阿當時  
不以詩名擢其佳作雅質風藻不愧名家

別饒子聞

葛生在河渚縣延自結根何意中林楚垂蔓相翩幡人生託  
交故義合情與存甯期時命怫懿好不久敦棘瓜有芳實三  
歲零寒原幸蒙攀采惠棄遠難重論

黃憲墓

漢季多高賢黃生特淑妙白璧出塵囿羣琛仰孤照所悲朗  
粹質中隕沈靈曜雖寡河汾譔不殊廣川調我行歷楚墟間  
道回山嶠側思千載人悽惻墓堂弔

寶寂寺宴集用壁間韻

尋春入始夏嘉宴洽今時難擁嚴扉寂花飄石棧危絃歌娛  
日晚車馬下山遲坐惜華宵月因吟鄴客詩

嘯巖寺泊



維舟依古寺解纜溯幽源花發渚煙聚草青江雨繁魚梁交  
石嶼鳥路界山村坐羨垂綸者看雲過曉昏

南臺寺

竹隱珠泉溜蘿垂錦壁陰危臺迸日峻飛閣裊雲深玉髓行  
堪掇金芝往獨尋暫請靈岳賞一慰尙平心

礪峯陟南禮侍余在金陵引跂迄左一觀余改北雍礪  
巖入覲得觀無幾復別去作詩敘往用抒積思

久矣金扉載筆從每嗟詞賦擅雍容那知北固煙中旆仍別  
西清雨外鐘柳曲樽罍經歲憶花邊笑語幾時逢蓬萊出入  
神仙地目極天南綵霧重

河間道中

倦客風塵未息機  
雙旌馬首趁殘暉  
淶沱水落魚龍靜  
返澤春深雁鷺歸  
鬢髮虛名慙敝帚  
青山獨往泥征衣  
芙蓉玉筍菟裘計  
老大空悲願每違

山行絕句二首

秋花映路開無數  
可愛紅枝間白枝  
不聽疏林黃葉墜  
風光渾道是春時

漁家四五西山側  
苦竹陰疏自一村  
昨夜溪添三尺水  
沙鷗無數到柴門

西湖竹枝詞

朝見南高峯欲雨  
北高出日又多時  
綠虹宛轉垂照水  
欲渡無船郎得知

西湖采蓮曲

湖市羅裙映玉缸，蘇隄楊柳拂船窗。  
采蓮謾觸鴛鴦起，飛向花間箇箇雙。

寄趙白樓總兵

上谷將軍趙白樓，忠精長貫赤虹流。  
慣馳匹馬獵深澤，自射名王黑水溝。

郭朴二首

朴字質夫安陽人嘉靖乙未進士選庶吉士授編修  
歷侍講左庶子侍講學士遷禮部侍郎改吏部加太  
子賓客進南禮部尚書加太子少保改北尋改吏部  
尚書加太子太保兼武英殿大學士參預機務加太

保少傅兼太子太傅贈太傅諡文簡有集五卷

田按史稱文簡兩典銓衡以廉著情輔政未久退歸優游林下三十年觀其詩詞從容暇豫與貴溪輩之躁進獲禍者殊科矣

### 閒居二首

性僻真堪隱境幽心益閒  
灌園安鄙事採藥理衰顏  
林鳥陪吟咏溪雲共往還  
落花苔徑滿蓬戶日常關

小築成村墅幽栖與懶宜  
看花聊酌酒對竹漫哦詩  
老眼雲山媚閒情魚鳥知  
獨將農圃業仰戀太平時

### 趙貞吉二首

貞吉字孟靜內江人嘉靖乙未進士選庶吉士授編修遷中允擢左諭德以事下詔獄廷杖謫荔波典史

遷徽州通判進南吏部主事累遷戶部侍郎以忤嚴  
嵩奪官隆慶初起禮部侍郎進南禮部尙書仍留直  
講兼文淵閣大學士參預機務加太子太保贈少保  
謚文肅有集二十三卷

田按文肅詩豪曲快字不得以成派繩之

### 王喬洞

柯爛人歸古木寒紺巖靈壑野雲團騎來黃鶴丹砂頂飛去  
青天白玉棺流水調中春欲半洞簫聲裏夜將闌思輕塵骨  
超千劫願遇金童捧一丸

### 宿蘇長公洗墨池亭作

江空草綠酒旗風半醉黃州煙雨中五百年來名輩盡有人

重唱大江東

王立道 十首

立道字懋中無錫人嘉靖乙未進士選庶吉士授編修有具茨詩集六卷文集九卷遺稿一卷

四庫總目立道詩雖微嫌婉弱而冲容淡宕不爲奇險之語猶有中唐錢劉之遺

張怡龍湖集懋中詩冲雅曠駿入韋柳門戶槐野存笥稍懋中談詩稱張司業劉脩州及索其自作讀之果皆似

田按懋中入翰林故事館師課之而已嘉靖乙未永陵臨軒試之選三十人懋中第一懋中爲唐荆川妹

晉文學歐陽詩學中唐年三十八卒同時名輩哀悼之王槐野作傳張龍湖唐荆川作志銘尹洞山作解

王子哀文洞山文詞有最美今洞麓堂集不載當在未刻稿中也

詠史

館陶主人翁洛陽賣珠子散金買聲名寵愛傾戚里翩翩東方生滑稽何其鄙一朝辟戟言萬乘逡巡起雄畧代所希舉俗憎逆耳坐令狐鼠驕白日遊都市

銅雀伎

漳河流日夜歌舞未能休豔色今誰妬餘香空自留朝雲不作兩陵樹早生秋滿目多疑塚君靈在此不

遊仙二首

仙人住玉京累劫道初成指樹元非姓殄松偶得名龍嘘雲蓋引虎奉嶽圖迎相待天台路何時返赤城

玉室書名久清溪得道初赤文河上籙鴻寶枕中書龍吐燒丹火鸞驂度海車偶來華表上終與世人疏

泛清溪

幽尋極寥廓理棹清溪長落日照孤嶼微風生夜涼須臾遠  
氛淨百里開湖光涵于相傍宿月明歌滄浪採芳不能浴悄  
然悲沅湘

秋居用唐人韻二首

四戶嘯蟬亂秋陰欲上階菊花收作枕草蔓緝成鞋得句先  
書壁因琴別置齋溪雲與山月總不費安排

木落隨寒雨林開際遠天水紋搖蕙竹秋氣入琴絃倚樹禽  
相語班荆鹿共眠機心日以盡自語骨如仙

題顧洞陽青溪莊二首

能官閒愈好負郭有瓜田宦味陶元亮詩才賈浪仙高齋聽



雨枕斜日過湖船誰共幽吟者空聞招隱篇

知君閉關久一徑落花深書癖年長在春盟詩至尋空山幾  
兩屐遶道四愁吟北望休相笑平生魏闕心

送蔣醫歸江陰

遠向金門欲獻方暫因採藥去江鄉開逕我須從蔣翊避名  
君莫似韓康

靳學顏五首

學顏字子愚濟甯州人嘉靖乙未進士除南陽推官

歷吉安知府累遷布政使入爲太僕卿改光祿以右

副都御史巡撫山西召爲工部侍郎改吏部有兩城

集二十卷

四庫總目學顏詩格律清整踐徑尚存不脫歷下流派  
升菴集瀑布詩人盛稱廬山雁蕩亦有之地志云廬  
山循崖直下不如雁蕩之飛墜飄散而可觀也吾蜀  
梁山縣蟠龍山有之與雁蕩相似斬兩城云大勝廟  
山有詩云神女碧瑤簪明珠構理珞纖手按鍾球鈞  
臺響天樂仙人環珞玉珊珊晚勝蒼龍謁帝閣醉舞  
婆娑渾忘卻天風吹桂翠微間  
田按子愚題擅才華集中有七諷解嘲等篇類以作  
者自命詩則古體草襲前人時有佳篇近體率意頗  
庸余檢明史于思巡撫山西時應詔陳言數陳愷切  
深中時弊而兩城集不存此篇此則編集者之過也

長安道

金絡青絲纏翩翩紫駟馬白面誰家郎借問治遊者調笑章  
臺側繫轡垂楊下垂楊穆穆白日長城頭春酒戀金香高樓  
思婦舉珠箔碧草如煙空斷腸

東京歌

濯龍門前車馬流，無人不道入青樓。  
廬家少婦鳴箏坐，蓬著春光不解愁。

渭城曲

春風送客渭城西，折柳亭前落日低。  
驄馬漸隨塵影沒，黃鸝飛上戍樓啼。

陽春臺

陽春臺上雪霏霏，漢水無情日夜歸。  
楚客不知何處去，歌聲猶逐綠雲飛。

卽事

石磴參差蔓薜蘿，空亭獨坐夕陽過。  
不知溪上秋多少，但覺尊前落葉多。

王維楨

六首

維楨字允甯華州人嘉靖乙未進士選庶吉士授檢討歷修撰論德遷南國子祭酒以省母歸值地震陷死有槐野存稿二十卷

藝苑卮言王允甯詩如馬服子陳師自作奇正不得兵法又如項王嘔嘔未了忽發暗鳴詩薺嘉靖時爲杜者王允甯孫仲可爲六朝者黃勉之張愈光允甯於文矯健勉之於學博洽皆勝其詩列朝詩集允甯論詩服膺少陵自謂獨得神解尤深於七言近體以爲有照應開闢鍵頓挫其意主與主比其法有正插有倒插而善用頓挫倒插之法者宋元以來惟李崧一人及其自運則麓柴棘澀澤穢滿紙如潦倒措大經書講義填塞腹笥拈題鑿義十指便如縣錐累人捧腹良可笑也田按允甯與張太谷書云本朝作者空同聖矣卽大復猶卻數舍若倒插頓挫之法自少陵後善用之者空同一人而已收齋拈聲陸峒故於允甯醜詆不遺餘力余檢何元明四友齋叢說云計石城得顧東橋

丈衡山蔡林屋王雅宜諸人詩裝成卷求槐野跋語  
槐野逐句破調無一當其意者信乎天道好還宜來  
牧齋之醜詆也允甯五律亦有佳篇竹垞有句無篇  
之說亦爲牧齋之論所懣耳

### 送駱太史謝病歸湖州

忽謝金門直言尋碧海濱明時豈無意旅病苦傷神白髮愁  
中長青山夢裏真知非鷗鷺侶暫與薜蘿鄰

### 廣德寺送別陳子

俱是游京國獨憐尋故山鄉心因子劇別句對僧刪枯沼風  
荷咽空林夕鳥閒前程愁欲暮乞與一燈還

### 孝烈皇后挽歌

範內留芳訓扶天有駿功仙遊知跨鳳聖念爲當熊玉珮虛  
無裏蒼雲悵望中宜春花照眼淚灑舊時叢

長陵恭謁

文皇陵殿傍居庸覽盡千峯壯此峯石壑蒸雲蹲虎豹玉泉  
含霧卧蛟龍舊京想像明王祚窮漠漠迷破虜蹤埋劍藏弓  
元勝地晚來時望紫氛重

春意

春意今朝動鄉關萬里遙客心共江柳日夜緒千條

苦熱行

海上三山寒色開丹梯何處陟崔嵬道人晝卧洪鑪裏赤脚  
蒼崖夢往來

劉繪

五首

繪字子素光州人嘉靖乙未進士授行人遷戶科給

事中轉刑科右給事中出爲重慶知府有嵩陽先生

集二十卷

四庫總目繪詩局度宏整而乏深致文不加修飾暢所欲言劾真言一疏但以不戴所賜香葉冠激世宗之怒則非諫臣之體案明史夏言本傳稱賜香葉束髮巾言謂人臣非法服不受帝積憤欲去言嚴嵩因得聞之至言得罪下獄帝猶及前不戴香葉冠事據此則繪是疏當有所受之歟

列朝詩集子素長身電目高準修髯好讀左氏縱橫家言尊劍蹤鞠挽六鈞弓搥鼓亢歌喜通輕俠計偕入都盜陽王生引少年數十輩逆之邯鄲道上校獵縱酒聲滿燕趙間矣成進士與李開先唐順之趙時春爲文章意氣之交在省垣值貴溪用事抗疏詆譏上頗是之貴溪度無以難乃遣客李寶以相術來說子素怒梓寶杜下已而從給舍壽貴溪貴溪手玉碗行酒子素揮其碗碎地客盡驚出明日疏夏十罪不報六月朔書晦上大恐問天官主何占子素引漢書對請去言以塞天怒明日遂逐貴溪子素出守重慶會貴溪再相嗾南省論罷乃潛治陂池種魚十萬頭隄樹千章盡有蒹葭菱藕牛羊豚豕之利又賁僮易

鹽騶馬課其入息身與俠少年射獵熊山下得禽置  
酒自撰歌曲以娛其母晚年酷好鷹蒲病瘵以死子  
素文章雄健可喜其詩才氣奔騰而風調未諧多生  
猶慕兀之致皇甫子循敘其集云先生應詔諸疏經  
術文章可謂兼之若騶賦詩歌則固北海餘聲宣城  
寄興非所專好也知言哉  
梁園風雅嵩陽先生放歸益治立湖別墅移石成奇  
峯匯水爲巨浸花林竹嶼壯麗甲於汝南先生與賓  
客放浪賦詩以此自娛其詩宏博整贍浩渺渾深披  
潘陸之晨葩摘顏謝之春藻蓋光黃之奇偉人也  
田按山陰周祚吳縣黃省曾作書推挹李空同空同  
刻集以其書附後劉子素亦作書推服楊升菴升菴  
集亦附于其書云僕之仰足下者有年方其挾策西  
蜀賜對昭光聖虹聖電振耀宇內知足下爲相如揚  
雄其人也至操觚藝苑校書祕府辭調敵乎金石頌  
聲叶於韶濩知足下爲劉向王褒其人也至撰時吐  
氣舒惘飛章叶閑闔於五奏攀琅玕而九死知足下  
爲賈誼晁錯其人也及今成集所著士人所傳傷時  
述懷其孤憤結憂之聲闕流離歎瑣尾者又競英綴  
彩燦玄珠而流華寶淩蹤乎七子飛蓋乎四傑又知  
足下爲鮑明遠謝立暉其人也子素文章宏麗足稱  
作者詩則有偉特之句而鮮完善之篇豔曲麗歌尤



爲猥下趙彥復梁國風雅舍李川甫而錄子素非識  
曲聽真者也

送顧聖少遊蜀中便寄渝州諸君子

天涯飄泊閭闔客仗劍萬里還西行秦姬當壚作吳曲爲君  
勸酒春風生高歌壯遠遊三杯與君別匹馬遙衝劍閣雲征  
衣直拂峨眉雪江空孽芙蓉萬壑披雲松歸泛巴渝水聊醉  
金碧峯棠溪花正豔安居酒復濃城中士夫多豪賢客中相  
見應相憐畫舸弄杯送明月古臺搖筆凌飛煙儻憶往年一  
相訊慙慙爲我傳芳信離亂中原尙有予兵戈滿地雙蓬鬢  
塵海萍蹤無定居夜魂巴峽幾淩虛秋風送客腸應斷莫怪  
山人懶作書

劉生

銅焦響玉營殺虜度龍庭代馬雪中躍吳刀掌上鳴醉過平  
樂觀叱咤羽林兵愿予空託姓藜火照殘經

紅門晚眺西山蘭若寄翠禪師

丹梯拂玉繩簷嶺俯峻嶒月色連三殿嵐光度五陵花壇應  
說法竹院已燃燈何日天台路閒尋出世僧

薔薇花下聽鄰箏

窺妝羞楚女翦綵笑吳宮總翠偏繁霧叢香易惹風葉嬌才  
半綠花亂不全紅未待銀箏送先令玉箏空

挽唐荆川

扈蹕當年染玉臺山中較獵挽烏號英魂一夜歸何處怒湧  
江潮百丈高

趙大佑 一首

大佑字世微台州太平人嘉靖乙未進士除鳳陽推官徵授監察御史厯大理丞進少卿累遷僉都御史進刑部侍郎遷南刑部尙書就改兵部參贊機務有燕石集四卷

兪州山人續稿燕石詩和平朗爽有朱絃疏越之音五言古近體尤自長城

寄奮川諸君

生涯歸去未全貧斗酒猶堪共論文何日雨中能過我幾年  
花下憶逢君郊扉習靜臨流水草閣抽思對野雲小徑舊曾  
留轍迹可令猿鶴笑離羣

林廷機 三首

廷機字利仁閩人尙書瀚子嘉靖乙未進士選庶吉  
士除檢討遷國子司業進南祭酒就遷太常卿擢工  
部侍郎改禮部進工部尙書復改禮部贈太子太保  
諡文僖有世翰堂稿十卷

東南嶠外詩話林文僖有遊虎邱七律云雲梯石磴  
望重重拄杖來登最上峯竟日微風生院竹半窗飛  
霧頂山松何人能識纒金字往事空留試劍蹤爲愛  
老僧頻薦茗夜歸還叩上方鐘按虎邱寺中舊有王  
子吳鼎寺僧雖寶之而不詳爲何物郡志亦闕焉余  
爲按薛氏鐘鼎款識釋其疑滯徵詩銘續遂爲吳門  
第一吉金與焦山無事鼎並有千古矣文僖此詩第  
五句卽指此鼎可知當時已有賞識之者而顧伊人  
作虎邱志尙以爲大香爐可發一笑也  
田按余檢世翰堂稿文僖遊虎邱詩第五句係何人  
舊築藏書室疑梁君所見別一本也

徐氏園林自幽絕佳辰臺省并騶來亭亭落日煙蘿最漠漠  
秋雲水檻開地勝恍陪金谷宴節臨先試菊花杯曲江往事  
渾如昨白首相將更幾回

鳳凰臺和李韻

鳳逝臺荒只故邱六朝往事水東流山河誰識帝王宅宮殿  
空成麋鹿遊天迴煙雲開石壁日斜鷗鷺散江洲金陵佳麗  
還如舊惟有登臨使客愁

歌風臺

當年歌沛上霸氣亦雄哉寂寞西京業如今只廢臺

何維柏

一首

維柏字喬仲南海人嘉靖乙未進士選庶吉士改監

察御史坐劾嚴嵩廷杖免官隆慶初召復官擢大理  
少卿遷右僉都御史厯左副都御史遷吏部侍郎以  
忤張居正出爲南禮部尙書旋罷官謚端恪有天山  
草堂存稿八卷

四庫總目朱彝尊明詩綜謂維柏乞休詩云樂事尙饒  
新歲月勝遊不改舊雲山乃侍其父與鄉人爲九老  
會時所作今考乞休詩爲萬厯丙子得旨歸老之作  
而和其父與九老韻七律二首則作於嘉靖戊申乃  
劾嚴嵩後削籍歸里時作彝尊徵引偶誤殆未見此  
集歟

去婦歎贈三溪包公

直木無繁柯安能附蔕蘿託身苟得所時命如吾何

康太和

一首

太和字原中莆田人嘉靖乙未進士選庶吉士授編

修歷春坊諭德侍講學士遷南禮部侍郎就遷工部

尙書有礪峯集

蘭陔詩話礪峯在翰苑二十年閉戶著書屏迹權門人譏其拙作拙宦對以述志致仕時值莆中倭亂寓嘉禾四年始歸其詩有白髮多情催我老青山無地是吾家庭堆白骨人蹤少鬼哭荒村日色荒燕子不知舊壘破呢喃猶向故園歸皆淒婉可誦

寒時作

春入滄浪覓釣舟淡雲疏雨正悠悠  
文成祇有窮難送老至應知歲不留  
養鶴尙憐雙口累看花聊減半生愁  
思家無計清宵坐矯首高城月滿樓

馬森一首

森字孔養懷安人嘉靖乙未進士授戶部主事歷郎

中出爲太平知府遷江西副使歷參政按察使布政  
使就擢巡撫右副都御史入爲刑部侍郎改戶部坐  
事左遷大理卿起南工部侍郎改戶部以右都御史  
總督漕運兼巡撫鳳陽進南戶部尙書改北贈太子  
少保諡恭敏有鍾陽集

塞下曲

列戟牙旗五色高  
碧油幢裏醉葡萄  
可憐營外風沙起  
夜夜征人枕大刀

張舜臣一首

舜臣字熙伯章邱人嘉靖乙未進士累官戶部尙書  
左都御史贈太子少保



山寺

休沐依山寺行行石澗中誰令朝市客盡日坐松風

孫植一首

植字斯立平湖人嘉靖乙未進士除南刑部主事累官刑部尙書贈太子太保諡簡肅

諸省丈遊西山以病不赴

聞道香山寺龍宮倚石岑泉聲來樹杪雲氣接峯陰路巖丹梯峻檐臨碧澗深無能陪妙躅延望發孤吟

張瀚二首

瀚字子文仁和人嘉靖乙未進士授南工部主事歷郎中出爲廬州知府改大名累遷陝西布政使就遷

巡撫右副都御史入爲大理卿進刑部侍郎改兵部  
總督漕運改督兩廣軍務以事鐫秩歸起撫陝西遷  
南右都御史就改工部尙書召拜吏部尙書加太子  
少保以忤張居正罷歸贈太子太保諡恭懿有奚囊  
蠹餘二十卷

田按尙書始附和江陵及江陵奪情卒能持正世以  
此多之詩乃平平

### 次韻答沈鴻臚

詩篇推正始今復見雲卿錦字湖天遠  
塵心淮海清  
薄鱸秋  
日思猿鶴故山情  
和靖盧溪社  
因風憶友生

### 雨夜

積雨凝陰二月寒  
長宵寂寂坐來殘  
獨醒應有張平子  
賦得

閒愁祇自看

陳鳳 六首

鳳字羽伯上元人嘉靖乙未進士除南陽推官改彰德徵授刑部主事歷郎中出爲江西僉事歷四川陝

西參議有清華堂摘存稿六卷

馮汝訥光祿集羽伯五古初啟唐人局鑰後入晉魏  
體雅秀清暢王孟之流  
揚雅升卷遺文羽伯古詩漢魏遺響近代所僅見七

言長歌與盛唐諸大家埒能爭勝而尤難者在自成  
家而不蹈襲非適日折洗之敝

藝苑厄言陳羽伯詩如東市倡慕青樓價微傳紛澤  
絕工饒笑

帝里明代人物畧羽伯官刑部主事署中故有白雲  
樓暇日與文學僚友眺詠其上稱爲西臺雅集

列朝詩集嘉靖中顧華玉以澗韞家居倡詩學於青  
溪之上羽伯及謝應午許仲貽金子有金子坤以少

後從游相與講藝談詩金陵之文學自是蔚然可觀  
出按羽伯五字詩華妙弁州擬之東市倡無乃唐突

攝泉居士許公

玄度邱壑姿投册事閒寂治生不厭餘取足在惟適作詩謝  
雕纈青山恣游歷平生所交親白首共欣戚子也青雲器才  
任萬人敵文采照當世藝苑樹奇績悵望攝山泉懷惻山陽  
笛

惜別行送朱子平甫使江南

惜別復惜別四牡行行俱吳越長安有客正思歸因君夢遶  
秦淮月通籍金門今幾秋長安共卧省中樓相逢日夕共傾  
倒劇談大笑輕五侯予本漕蕩人君亦鄉弛士感君意氣爲  
交歡豈識人間別離事盛年藝苑擅風流況復經過六代邱

江上停舟應弔古爲予先賦白蘋洲

雨中酬諸君見過

久雨空堂靜高人載酒過布袍同溷落長缺任悲歌水氣浮  
高柳秋容入敗荷明朝是九日無菊欲如何

同孟孔彰秋日偶然作

久緣朱紱累夢斷白鷗羣幾對宛城月遙憐鍾阜雲開簾看  
秋色散帙坐斜曛絡緯催寒急淒淒不可聞

秋日登雨花臺

落葉山中寺秋風江上臺鳳城雙闕迴牛渚片帆來繁吹暮  
仍急清樽醉復開東籬菊尙晚留取盡餘杯

舞陽縣舞泉書院

碧盤春泉出青皋夕照懸聊因謝簿領暫得眺山川綺閣棲  
林杪瑤峯落檻前柳隄晴正媚麥壠氣初暄雲物還茲土絃  
歌感昔賢晚來饒吹發歸鳥散林煙

林應麒一首

應麒字必仁仙居人嘉靖乙未進士除吳縣知縣遷  
惠州同知有介山稿

行路難

白日在天難照陰青銅作鏡難照心古來怨士悲白璧至今  
譏口銷黃金我欲歌此曲此曲哀已深不必漸離筑不必雍  
門琴不必楚妃歎不必梁父吟君不見伯奇履霜申生死子  
胥浮革靈均沈精誠不鑒君與父他人悠悠復何戀

田按此詩仙居志作張伯厚詩依戚學標三台詩錄採入介山稿

牛恆二首

恆字槐亭武功人嘉靖乙未進士官周藩左長史

因樹屋書影牛左史周藩宮詞詩雖不多可代夢華錄數卷

周藩宮詞二首

春殿牙籤萬軸餘香勻風細綠窗虛侍兒臨罷誠齋帖雨出  
先呈女校書

吹臺南下令婆墳憶昔從王掌祕文今日綺蘿何處是野花  
嘒鳥自紛紛

施峻一首

峻字平叔歸安人嘉靖乙未進士除南刑部主事歷

耶中出為青州知府有連川集八卷

藝苑厄言施平叔如小邑民築室器物倘完  
田按平叔七言如南嶽先生句曲去東林長老沃州  
還藥欄當午蜂偏亂釣檻平溪水不渾河橋細雨舟  
初泊山郭寒煙梅半開未信年華欺客鬢也知春色  
到鄰家殊自清脫

過南郭野寺

休沐出南郭尋僧一扣關孤燈燃白晝疏磬滿秋山束帶經  
年苦看雲盡日間齋廚清供罷驚鵲欲飛還

趙統二首

統字伯一臨潼人嘉靖乙未進士官戶部郎中有騷

山集十四卷

宿土門



帝命辭金闕客身宿土門星河虛草閣山壑會花村縱飲添  
山藪長歌倒瓦盆疏狂忘路遠衰薄負君恩

憶魚池灣舊遊

秦王陵下魚池灣斷葦荒蒲近對山白酒黃雞秋興在太平  
只欠一身閒

陳邈 三首

邈字德輝閩人嘉靖乙未進士除大理評事出爲安  
慶知府歷兩淮運使廣西參政廣東布政使有集四  
卷

田按德輝五言清拔惜不得其全集錄之

粵西松樹

蒼蒼庭下松枝餘碩以修才質詎不美郢匠弗見收淒風薄  
松枝鳴聲何悲愀悲愀不可識無言以意諏炎荒土氣溼宅  
宇材易蠹竹雞久不鳴白蟻爲冠讐所以梁棟委棄置於林  
邱南橋北爲枳土地職其由移之植徂徠山川邈且適所期  
飽霜露歷歷春復秋流膏伏龍虎仙鼎終相求

登粵山謁諸葛廟

諸葛龍卧時聞達非所志三顧勞賢主出門答高誼恢復雖  
未竟忠誠震天地千載出師表何人不垂涕王公斯文宗今  
古若神製興廢繫廟建風化係伊余謁遺像維時適清  
霽躡巖縱遊眺長風吹衣袂衡嶽青冥中洞庭一何細落日  
散餘霞長空一鳥逝同興下山阪惆悵白雲際

下邳懷古

汎舟臨古甸荒郊起遐思猶聞石家城復憶圯橋屢滾滾黃  
河流蕭蕭馬陵樹今人更來過昔人知何處落日滿津樓  
踟躕未能去

許穀四首

穀字仲貽上元人嘉靖乙未進士除戶部主事改禮  
部吏部歷員外郎中遷南太常少卿謫浙江運副遷  
江西提學僉事進南尚寶卿有省中稿二卷二靈稿  
二卷歸田稿十卷

四庫總目穀詩格頗俊爽當其合處時得古人之意而  
失於芟擇

四友齋叢說余戊午年致仕南都諸公押衡山鶯字  
韻詩贈獨許石城一聯云買得曲池堪鬪鴨種成芳

樹好藏鶯殊有雅思  
續金陵瑣事石城許公有句云平生愛我無如酒凡  
事輸人不但基薛方山極目稱之  
列朝詩集仲貽爲顧華玉高第弟子風流儒雅以耆  
宿主盟詞壇蓋先後相望云  
靜志居詩話石城詩頗似大愿十子  
田按仲貽律尙華整茲錄其有清思者

過吳門訪文丈

吳門風雨獨停舟重訪仙人洞壑幽  
錦字滿床多逸興碧梧  
百尺自清秋久拋金馬心逾遠  
一笑青山意總投慙愧十年  
塵土客又將書劍出皇州

寄孫學職

歲首蒙君問謫居冰霜忽訝歲將除  
風前苦憶瓊枝樹海上  
欣傳白雁書賓榻久懸殊有待  
雪舟重訪定何如  
丹山碧水

登臨地肯信年來已結廬

寄文休承

算老同驚七袞餘芳年朋輩總邱墟山中每自看梁月江上  
如何斷鯉魚往日草堂頻下榻幾時茂苑再停車揮毫見說  
清強在好寫新篇慰索居

謝政口號

詔過留都喜罷官罪疑遙荷聖恩寬久叨軒冕會何補乍到  
林泉已自安郭外旋分桑落酒花間新製鹿皮冠陶然自著  
閒居賦書遍閒堂竹萬竿

任萬里

二首

萬里字圖南掖人嘉靖乙未進上官禮科給事中有

梅軒詩藁

清音集王西樵云黃門素有剛介之目以疏宮僚忤旨放歸蓬蒿三徑巾屐蕭然詩如秋露澄江蕭森平遠白沙錦石復饒清麗之觀五言如沙岸龍蟠壑遠酒日月浮七言如不妨佳句題青竹更喜繁花媚遠天平沙渺渺自流水芳草萋萋空好春并佳

聞笛

承恩初出塞聞笛更逢秋清比桓伊弄哀添向秀愁關山臨夜月楊柳折邊州一曲那能盡淒涼欲白頭

過戰場有感

萬里秋風吹朔漠千年營壘落寒雕水聲不住東流去疑是秦人怨未消

陳裴一首

裴字口口鄢陵人壽靖乙未進士歷禮科戶科給事中累遷右僉都御史巡撫甘肅有文岡集二十卷

權店驛

盤陀南來一百里宛如閣道蜀門行荆扉茅屋人家少盡日潺湲聞水聲

薛應旂一首

應旂字仲常武進人嘉靖乙未進士除慈谿知縣遷南吏部主事歷郎中出爲浙江提學副使改陝西有

方山集

四庫總目應旂識勢論稱黨錮興而漢社屋元談盛而晉室傾清流濁而唐祚移學禁作而宋舟覆其初文雅雍容議論標致不過起於一二人之微勝而其究乃致怨惡沸騰於寰中干戈相尋於海內而潰敗不

可收拾云云若於七八十年之前預見講學之亡明者篤論也

### 答鄭嘉興

驛舍臨西水相逢鄭子真幽懷在空谷征旆尙風塵日暮憐  
漂泊途窮念苦辛文翁元愛士應不爲官貧

### 陳堯一首

堯字敬甫南直隸通州人嘉靖乙未進士除工部主  
事歷員外郎中出爲台州知府改南安歷長蘆鹽運  
使廣西參政貴州按察使雲南廣西布政使以右副  
都御史巡撫四川遷南戶部侍郎改工部總理河道  
召拜刑部侍郎有梧岡集十卷

### 姑蘇竹枝辭



洞庭山高十二峯洞庭湖上采芙蓉山高水遠不歸去風雨  
來時愁殺儂

盧宗哲 一首

宗哲字濟卿德州人嘉靖乙未進士選庶吉士授檢討  
遷南司業歷南太僕卿改光祿卿有焚餘草

贈張錦衣

朝承節鉞下丹霄霜滿熊轡寵賜貂路繞黃河山簇簇風鳴  
青海草蕭蕭油幢對月閒吹角鐵騎乘冬好射雕爲報諸蕃  
莫輕入臨戎今是霍嫖姚

劉佐 一首

佐字一軒德州人嘉靖乙未進士官參議有遂初堂

詩

宿明月寺山房

梵響侵層漢  
雲香護石牀  
鶴巢藏古木  
僧影下長廊  
良夜催銀箭  
天河發曉光  
明當辭梵宇  
暫爾聽寒螿

郭萬程一首

萬程字子長  
閩清人  
嘉靖乙未進士官刑部主事有

雲橋集

送翁源尉

北客日歸南  
南鴻亦復北  
送子出郭門  
令人心怱怱

駱文盛一首

文盛字質甫  
武康人  
嘉靖乙未進士選庶吉士授編

修有兩溪集十四卷

四庫總目文盛詩文於淺弱之中時有情遠之致文盛官翰林時以不附和嚴嵩移疾不出後貧病垂死有以千金求居間者揮之至沒無以葬其胸次本高故吐言不俗

訪友途中滯雨

長河波浪渺無津  
正馬西風日易曛  
客舍況逢三日雨  
故人猶隔數重雲  
山容慘淡當窗見  
鳥語啁啾近水聞  
信有路難行不得  
旅愁鄉思益紛紛

陳策一首

策字時偕莆田人嘉靖乙未進士官台州知府

九鯉湖

羽人一去不復還  
湖上猶傳九鯉仙  
流水閒雲空裊裊  
碧桃

春草自年年誰從滄洞招真隱剩有丹邱認宿緣中夜夢殘樓閣迴一聲海鶴上青天

鄭富一首

富字中虛莆田人嘉靖乙未進士官潮州知府

送馬從甫還莆

握手難爲別裘袞霽水涯壺公知不遠送爾躡層霞

汪宗凱一首

宗凱字子才崇陽人嘉靖乙未進士歷官尚寶卿有

棠谿集

人日同傅山人宿灌谿寺

人日珠林集春懷此暫閒松雲盤古殿蘿月映蒼苔池卽諸

天上人傳二妙來十年同覽眺徒倚雪峯隈

李樂一首

樂字和仲溫溪人嘉靖乙未進士授南吏部主事歷  
郎中出爲河南參議累官太僕卿

沅湘耆舊集和仲游澁甘泉之門清苦嚴正人皆憚  
之詩格情老如野澗花深蜂釀蜜上方鏡定鳥窺人  
名句也

鹿泉洞

石洞冥冥傳有仙太康之後今何年蘭香芷蘅浮晴川夾岸  
桃花紅欲然洞中幽曠堪草玄冰崖玉篠生秋妍懸泉瀉出  
碧漪漣誰傍春叢一繫船愧無新詞石上鐫舉頭拍手望青  
天

胡汝霖

一首

汝霖字青崖綿州人嘉靖乙未進士累官都御史

岳陽樓

岳陽樓閣倚雲開漢沔風濤日夜來欲弔湘壘招楚客漢庭  
零落賈生才

饒相

一首

相字志尹大埔人嘉靖乙未進士官副使

和州道中見隱者山居

曉發和陽城飛輿度平陸遙眺翠微中炊煙起空谷竹木翠  
交加深藏隱者屋我來憇其下幽逕何紆曲嗟我事軒冕半  
生空碌碌長謝青雲客躬耕南山麓

洗桂奇 一首

桂奇字奕倩南海人嘉靖乙未進士官工部主事

飛雲頂

振衣千仞上浩浩御天風恍惚聞仙樂依稀鶺鴒彩虹秋雲半  
嶺白海日五更紅從此忘歸路優游四百峯

黃釧 一首

釧字珍夫安溪人嘉靖丁酉舉人官温州同知禦倭  
被執不屈死贈浙江參議有墮樵錄

田拔珍夫死倭難王弇州爲作葬衣冠志又輓詩云  
刲後杲卿空有舌哭同引憤已無肝

野望

連朝微雨恰新晴沙草含風輭綠平碧水涵人歸棹去夕陽

煙樹一痕清

陳紹文一首

紹文字公載南海人府尹錫子嘉靖丁酉舉人官通

判有中閣集

田按公載乃應天府尹錫子府尹構浮邱心遠亭擅園林之勝黃才伯有心遠亭分韻詩云浮邱倚蘭渚鬱水環山郭中流結衡宇炎歊盡銷落黎瑤石有心遠亭探梅詩云京兆池亭萬樹芳半臨秋水半含霜紀其勝也瑤石有父名過公載浮邱心遠亭聽公載彈琴諸詩公載以羅浮有中閣自號中閣山人集名以此公載與梁公賁歐植伯黎瑤石吳而待諸人結詩社又同遊黃才伯之門見植伯所作梁比部傳中竹垞錄公載詩不能詳其字余爲考其詳如此

游梁惟和北園

地迴揚雄宅煙深向秀園泉光分洞口山翠溼籬根選石安



棋局臨花設酒樽莫愁歸路晚明月映柴門

蔡宗堯 二首

宗堯字中父臨海人嘉靖丁酉舉人授松陵教諭遷  
瑞金知縣改當塗有龜陵集二十卷

西津舟泊

薄暮西津下孤燈歇雨時客懷惟酒賦春事有梅枝月落村  
春急風寒夜棹遲悠哉渾不寐高枕自哦詩

旅宿

旅宿高樓曉窗含煙霧多溪聲添夜雨山翠長春蘿越國懷  
如此燕臺夢若何貪看玉樹小對酒欲長歌

陶庚 一首

庾字星子雲南府人嘉靖丁酉舉人官承天府通判  
自嘲

一宮傲睨竟何如半畝荒園手自鋤可笑夷門老賓客等閒  
卻上信陵車

郭文涓 二首

文涓字稚源古田人嘉靖丁酉舉人官保甯同知有  
享帚集

固鎮驛書壁

天陰野無人日夕昏氣集村瞑暮靄凋木蒼寒飈烈焰發  
郵亭宵征度原隰遵歷古邱墟蕭條今郡邑微月懸帷涼襲  
露沾衣濕浮生倏如借流晷遞相及胡爲勞其生撫膺倍於

悒

銅雀臺

銅雀臺荒漳水濱  
滿汀蒲柳亂河津  
古原寂寞邱煙暮  
廢塚荒涼野草春  
一代玄宮狐兔迹  
千秋黃土綺羅塵  
西陵尙挂松楸月  
不照當時歌舞人